

17. oktober 2018

UKA 2018/73

Uunga siunnersuut: Kalaallit Nunaanni Inatsisartunut qinersisarneq pillugu Inatsisartut inatsisaata allanngortinnejnarneranik Inatsisartut inatsisaat nr. xx, xx.xxxx 2018-imeersoq (Partiit qinigassanngortitsisinnaatitaanerat, namminersorneq pillugu inatsimmi taaguutinut naleqqussaaneq, inatsisiliornerillu allanngornerisa malitsigisaannik iluarsiinerit) (Inatsisartunut ilaasortaq Bentriaraq Ottosen, Atassut)

Siumut sinnerlugu Atassummeersoq Bentriaraq Ottosen-ip siunnersuutaanut qutsavigalugu, imaattumik oqaaseqassaagut.

Qinersisarneq pillugu inatsisartut inatsisaata allanngortittariaqarneranik aammalu oqaasertatigut naleqqussaasoqarnissaanik Siumumiik isumaqataavugut, immikkoortullu §-t iluini allanngortinniarneqartut 15-nit misissoqqissaarpavut inatsisartullu qinersisarneq pillugu inatsisaata nutarterteriaqavinneranik tikkuussimmata allanngortinnejnarsinnaasutut taaneqartut Atassummiik siunnersuutigineqartut taperserpavut.

Naalakkersuisut akissutaanni inatsisartunut saqqummiunneqartoq qinersisarneq pillugu inatsisartut inatsisaat tamarmiusoq nutartissallugu aallartisarneqaleruttortoq 2019-milu susassaqartunut tusarniutigineqassasoq tamannalu pereerpat inatsisissatut siunnersuut tamarmiusoq inatsisartunut suliassanngortinnejnqassasoq saqqummiunneqarmat, qulaani tunngaviusut Atassummiik siunnersuuteqarnermi Siumumiik ilanngunneqarlutik suliarineqarnissaat innersuutigissavarput.

Aammalu § 23, imm. 1, ima oqaasertalerneqassaaq: "Inatsisartunut qinersivik, kommunalbestyrelsint, nunaqarfinni aqutsisunut ilagiillu sinnisaannut qinersisarnerit pilligit inatsisartut inatsisaanni § 6 naapertorlugu, kommuninut taasiartorfinnullu aggorneqarsimavoq."

Taamatut oqaasertaliiniarnermi Siumumiik kissaatigissavarput nunarput tamarmi qinersivittut ingerlalernikuunerata kingunerisaanik inatsisartunut qinersisarnermi ilanngullugu allanngortinnejnqassasoq sumi najugalittut allattorsimanerput tunngavigalugu qinersisinnatitaanitta atorunnaarsinneqarnissaa. Assersuut inatsisartunut qinersisoqartillugu kalaallit nunaanni sumiikkaluaruttaluunniit qinersivinnut qinersiartorsinnaatitaalernissarput anguneqarsinnaasariaqarpoq, Siumumiillu isumaqarpugut atortorissaarutitigut ineriartorsimanerput ima siuarsimatigisoq allaat

sumiikkaluarutluunniit qinersisoqartillugu inatsisartunut folketingimut kommuninullu qinersisinnatitaasariaqartugut.

Kiisalu kalaaleqativut qinersisinnatitaasut peqquteqarlutik peqqissarnermik imaluunniit ilinniarnerminnik nunarput qimaqqatillugu periarfissaasa pitsangorsarneqarnissaat pisariaqartip-parput Siumumit naleqqussaavagineqassasut.

Aammalu qinigassanngortissinnaanermut piumasaqaativut Ilinniararlutik nunatsinnik qimatsisariaqarsimasunut periarfissarissaarnerulersitsinissaq ilanngullugu inatsisit nutarterniarneqarneranni eqqumaffigeqqussavarput.

Taamatut oqaaseqarluta Siunnersuut tunngavimmigut ippinnaateqanngimmat pisariaqarmallu isumaqtigaarput. Siumumiillu ilanngunneqartussatut oqariartuutitta ilanngunneqarnissaat piumasaralutigu.

Siunnersuutip aappassaaneerneqannginnermi Inatsisinut ataatsimiititaliami sukumiisumik nalilorsorluarlugu suliarineqarnissaa kaammattuutigaarput.

Karl-Kristian Kruse, Siumut